

eman ta zabal zazu



Universidad
del País Vasco

Euskal Herriko
Unibertsitatea

**UPV/EHU_n IKERTZAILEAK PRESTATZEKO
KONTRATAZIO DEIALDIA
2019**



PLAN
BASQUE
UNIVERSITY
SYSTEM

ATARIKOA

Universidad del País Vasco / Euskal Herriko Unibertsitateak, Euskal Herriko Autonomia Erkidegoko ikerkuntza gunerik handiena izaki, eskuordetuta du unibertsitateko pertsonal titulatuak ikerkuntzan prestatzeko eginkizuna eta, hori dela eta, doktorego tesien laborazioa sustatzen du; horrexetarako, doktoretza aurreko prestakuntzarako pertsonal ikertzaileen kontratazioa helburu duen honako laguntza-deialdi hau argitaratzen du.

Gaur egungo gizartean, doktoreak ezinbestekoak dira ekoizpen sarean eta gizartean. Unibertsitateak doktoreak hezi behar ditu eta ahaleginak egin behar du prestakuntza hori, jakintzan eta berrikuntzan aurrera doan gizarteari egoki dakion, gizartean bertan emakume eta gizonen jakintza, batzuen eta besteen eskubide, erantzukizun eta aukeren berdintasunean txertatuz. Doktoregoko ikasketek, karrera akademiko bat egiteko prestatzeaz gain, enpresa, erakunde eta instituzio berritzaileetan langile gaituak sartzeko aukera ematen dute.

UPV/EHUn sortzen da EAEn sortzen den unibertsitate mailako euskarazko ekoizpen zientifiko gehiena. Euskara bezalako hizkuntza baterako, oraindik ere zeharo estandarizatuta ez dagoelarik, ezinbestekoa da ikertzaileen lan eta ekarpena euskaraz egin eta zabal dezatela. Euskararen arloko Errektoreordetzak arlo hau bultzatu nahi izan du azken urteotan eta, horretarako, laguntzak eman dizkie doktoregai elebidunei doktorego tesiak euskaraz egin ditzaten. Hortaz, UPV/EHUn Euskararen III. plan gidarian (2018-2022), Gobernu Kontseiluak 2018ko abenduaren 20an onetsitakoan, helburu gisa hartzen da euskarazko doktorego tesien kopuru osoa gehitzea. Honez gainera, plan gidari berri honetan, bermatu nahi da euskarazko komunikazio akademikoaren kalitatea ikerkuntzaren alorrean eta, horretarako, prestakuntza espezifikoak eskainiko zaio prestakuntzan ari den ikertzaile kontratatuei.

Halaber, UPV/EHUn, 2014ko azaroaren 19an oinarritzko hitzarmen bat egin zuen IDEX Bordeaux proiektuan integratutako unibertsitateekin Euroeskualeko Nazioarteko Bikaintasun Campusa eratzeke, zeinbere bikaintasun proiektuen testuinguruan, Euskampus eta IDEX Bordeaux, hurrenez hurren. Euroeskualeko Campusaren helburua mugaz gaindiko sare bat osatzea da, nazioartean eragina izango duena eta ardatz atlantikoaren erreferentzia bilakatuko dena hala jakintzaren sorrerari nola gaitasun zientifiko eta teknologikoei dagokienez, eta hori jakintzaren balio kate osoan: ideien sorreratik hasi eta ideiak gizartearentzako onura bilakatu arte.

Oinarritzko hitzarmenak xede hauek ditu, besteak beste: sinatzaileen arteko lankidetzak akademikoak, gradu eta masterreko titulazioak eta etengabeko prestakuntzako ikasketak elkarrekin emateko, erakunde bietan aitortpena izango dutenak kredituetan; ikerketa proiektuak egitea lankidetzan; eta doktorego tesiak tutorekidetzan zuzentzea.

Azkenik, Paueko eta Aturriko Herrialdeetako Unibertsitatearen eta Universidad del País Vasco/Euskal Herriko Unibertsitatearen artean sinatutako lankidetzarako esparru hitzarmenaren baitan, doktorego aurreko kontratuak egiteko deialdi publikoa sartu da, doktorego tesiak tutorekidetzaren erregimenean egiteko.

Honako deialdi hau, hortaz, batera aurkezten dute Ikerketaren arloko Errektoreordetzak (aurrerantzean IAE), Euskararen eta Etengabeko Prestakuntzaren arloko Errektoreordetzak, IDEX Bordeaux proiektuan integratutako unibertsitateek eta UPPAekin, lau modalitateetan egituratuta, deialdiaren 2. oinarrian adierazi bezala.

IAEk jarriko du I., III. eta IV. modalitateetarako finantzaketa: guztira, 4.640.000 € bideratuko dira, Eusko Jaurlaritzarekin bikaintasunezko ikerkuntzarako eta nazioarteratzeko formalizatutako kontratu programen barruan esleitutako finantzaketarako ezarritako aurrekontu kredituari dagozkionak, "Ikertzaileei (PBI eta ID) ikertaldeetara sar daitezkeen eskaini beharreko prestakuntzarako kontratu programak sustatzea" eta "Euroeskualeko unibertsitateekin lankidetzak izan, mugikortasun ekintzetarako, tutorekidetzak tesietarako eta titulazio bikoitzetarako" deritzen ekintzen bidez. Kopuru hau gehitu ahal izango da, unean uneko aurrekontu izateen arabera.

II. modalitateetarako finantzaketa Euskararen eta Etengabeko Prestakuntzaren arloko Errektoreordetzak ematen du, 600.000 eurotako zenbatekoaz, Eusko Jaurlaritzarekin formalizatutako kontratu programen barruan esleitutako finantzaketarako ezarritako aurrekontu kredituari dagozkionak, "Euskarazko doktorego tesiak sustatzea" deritzen ekintzari eskainita.

Errektoreordetza biok konprometitutako finantzaketaz ordainduko dira errektoreordetza bi horiek lehenago burututako deialdien bidez emandako laguntzei legezkiekeen urteko ordainketak eta doktorego aurreko kontratu berrien lehenengo urteko ordainketak.

Horretara, Ikerketa, Garapen eta Berrikuntza batzordearen (aurrerantzean IGBB) aldeko txostena jaso ostean eta gobernu kontseiluak onetsi ondoren, IAEK eta Euskararen eta Etengabeko Prestakuntzaren arloko errektoreordetzak erabaki dute subentzioak emateko honako deialdi hau argitaratzea, ondoren zehaztuko diren baldintzetan.

1. oinarria. DEIALDIAREN HELBURUA

Deialdiaren xedea da unibertsitateko tituludunak UPV/EHUn doktorego programetan prestatzea, bai eta jakintza zientifikoaren edozein arlotako doktorego tesiak egitea ere, doktorego aurreko kontratuaren bidez, Zientzia, Teknologia eta Berrikuntzari buruzko ekainaren 1eko 14/2011 legearen 21. artikuluan ezarritakoaren arabera (aurrerantzean ZTBL).

2. oinarria. DEIALDIAREN MODALITATEAK

2.1. Deialdiak lau modalitate hartzen ditu:

- **I. modalitatea:** doktorego aurreko prestakuntza orokorrean ari diren ikertzaileen kontratazioa.
- **II. modalitatea:** doktorego aurreko prestakuntzan ari diren ikertzaileen kontratazioa, doktorego tesia euskaraz egin dezaten.
- **III. modalitatea:** Ikertzaileak UPV/EHUn eta IDEX Bordeaux osatzen duten unibertsitateetan tutorekidetzan prestatzeko kontratazioa.
- **IV. modalitatea:** Kontratazio deialdia, ikertzaileak UPV/EHUn prestatzeko UPV/EHUn eta UPPAren arteko tutorekidetzan.

2.2. Lehenengo, bigarren eta laugarren modalitatean irekita daude jakintza zientifikoaren arlo guztietara.

2.3. III. modalitaterako eskariak bat beharko dute etorri, lehenetsunez unibertsitateen artean adostutako "*Topics and ongoing collaborations*" horietakoren batekin, oinarri hauen I. eranskinean deskribatuta daudenak.

2.4. Hautagai bakoitzak eskari bakar bat egin ahal izango du, I eta II. modalitateak hautatuz eta nork bere interesaren arabera lehenetsiz, edo III. zein IV. modalitateetako bat. III. eta IV. modalitateak bateraezina dira elkarren artean eta I eta II. modalitateekin. Beren arteko bateraezintasunik dute modalitateak hautatuz gero, horietako bakar bat aukeratu beharko da akatsak zuzentzeko fasean.

2.5. Modalitateen hautaketa eta lehenespena ezin izango da aldatu, eskaria aurkeztu ondoren.

3. oinarria. ESKATZAILEEK BETE BEHARREKO BALDINTZAK

3.1. Deialdi honetan parte hartzeko, eskatzaileek ondoren zerrendatzen diren baldintza guztiak bete behar dituzte eskaria aurkezten denean:

3.1. a. Honako baldintza hauetakoren bat bete:

- i. **Doktoregora sartzeko bide ematen duen unibertsitate tituluaren jabe izan, 2016ko urtarrilaren 1etik aitzina lortuta.** Salbuespenez, titulazioa lehenagoko data batean lortu izana izan ahalko da, proposatutako ikerketa proiektuaren gaiari loturiko lan ibilbidea edo ikerketa jarduna egiaztatzen bada. IGBBk balioetsiko ditu baldintza hau bete den edo ez ebazteko.
- ii. **Doktoregora bide ematen duen unibertsitate tituluaren jabe izan, berori 2013ko urtarrilaren 1etik aurrera, egun hori ere barne, lortua izanik eta egiaztatu 2013ko urtarrilaren 1aren eta 2015eko abenduaren 31aren artean, biak barne, hiru urtetatik beherako seme-alaben zaintzan aritu izana.**
- iii. Unibertsitate tituludunen kasuan, osasun prestakuntza espezializaturako plazak lortzera bideratutako prestakuntza plaza lortua badute, osasun zientzien espezialitateetako titulu ofiziala lortzera bideratutako prestakuntza programa batean, gutxien dela, bi urte balorazio positiboaz gaudituz bada eta bi prestakuntza urte horien amaiera 2016ko urtarrilaren 1etik aitzina bada.

- iv. **Doktoregora sarbidea ematen duen titulu baten azken ikastaroan aritzea.** Pertsona hauek epe gehigarri bat izango dute **2019ko urriaren 31ra arte, egun hori barne**, espediente akademiko osoa aurkeztuko badute. Espedientea deialdi honen 7. oinarrian deskribatutako edozein bitarteko erabilia aurkeztuko ahal da. Aurkeztu ezean, hautagaiok hautaketa prozesutik at geratuko dira.

Doktoregoko ikasketa ofizialak arautzen dituen urtarrilaren 28ko 99/2011 errege dekretuak 6. Artikuluan zehazten ditu doktorego programak bete behar dituen baldintzak, hots:

1. Oro har, doktorego programa ofizial batera sartu ahal izateko, espainako graduako edo pareko ikasketen titulu ofizialaren eta unibertsitate master edo pareko titulu ofizialaren jabe izan behar da, betiere, bi ikasketa horietan, gutzira, gutxien dela 300 ECTS gaindituta badituzu.

2. Programan sar daitezke, era berean, kasu hauetako batean daudenak:

a) Espainiako unibertsitate titulu ofizial baten jabe izatea, edo Europako Goi Hezkuntzaren Eremuko beste herri batekoa, baldin eta, urriaren 29ko 1393/2007 EDko 16. artikulua ezarritakoarekin bat etorrira, masterrean parte hartzeko gaitzen badu. Eta gaindituak izatea, gutxienez, 300 kreditu ECTS, unibertsitate titulu ofizial guztiak kontuan hartuta, eta horietatik 60, gutxienez, master mailakoak izango dira.

b) Espainiako gradudun titulu ofizial bat izatea, eta haren iraupena, zuzenbide komunitarioko arauak betez, 300 kreditu ECTSkoa izatea, gutxienez.

Datei dagokienean, aintzat hartuko da doktoregorako sarbidea ematen duen lehenengo titulazioa noiz lortu den.

3.1. b. I eta II. modalitateetarako, **6,5 puntutako** batezbestekoa behar da izan lizentziatura edo graduako espediente akademikoan.

Espediente akademikoak 1 eta 10 arteko batez besteko nota jasoko ez balu, espediente akademikoaren batez bestekoa kalkulatu egingo da irakasgai bakoitzean lortutako zenbakizko kalifikazioa biderkatuz irakasgai bakoitzaren kreditu kopuruarengatik eta lortutako produktu guztiak batu eta kalifikazioaz gainditutako kredituen gutzirako kopuruarengatik zatituz. Plan ez berrituen kasuan, batez besteko nota kalkulatzeko lortutako kalifikazioen batura zatituko da gainditutako irakasgaien kopuru osoarengatik.

Espedientearen batez bestekoa kalkulatzeko, balioetsi edo egokitu ez dituen unibertsitateak kalifikatu ez dituen baliokidetu edo egokitutako irakasgaien kasuan, jatorrizko ikasketetan edo ikastegian lortutako kalifikazioak konputatuko dira, baldin eta dokumentalki egiaztatu ahal bada. Dokumentalki egiaztatu ezin balira, nahiko kalifikazioaz gainditu direla ulertuko da.

Era berean, espedientearen batez besteko kalkuluari dagokionean, ez dira aintzat hartuko beste espezialitateetako irakasgaietan lortutako notak, ez eta masterreko ikasketetan ere.

Ikasketak atzerrian egin dituzten eskatzaileen kasuan, ANECA Kalitatea Ebaluatu eta Egiaztatze Estatuko Agentziaren ziurtagiri ofizialean agertzen den espediente akademikoaren batez bestekoa hartuko zaie aintzat.

3.1. c. Doktore titularen jabe ez izatea.

3.1. d. Bigarren modalitatearen kasuan, eskatzaileek egiaztatu beharko dute euskararen C1 ziurtagiria dutela. Aurreko **baldintza guztiak** betetzen ez dituzten edo legezko epean eta eran egiaztatzen ez dituztenak hautaketa prozesutik at geratuko dira.

3.2. Eskatzaileek baldintza guztiak beteta izan beharko dituzte **kontratua sinatzerakoan**:

3.2. a. Europako erkidegokoak ez diren ikertzaileek **Espainian lan egiteko administrazio baimena** aurkeztu beharko dute, Espainian dauden atzerritarren eskubide eta askatasunei eta haien gizarteratzeari buruzko urtarrilaren 11ko 4/2000 lege organikoan ezarritakoaren arabera, abenduaren 22ko 8/2000 lege organikoak emandako idazketan.

3.2. b. **Matrikulatuta egon eskarian adierazitako UPV/EHUko doktorego programan, Master eta Doktorego Eskolak ezarritako epeen barruan, eskaeran adierazitako tesi zuzendari kideekin batera, emateko ebazpena behin betikoa argitaratzerakoan.** Honela egiaztatu ezean, laguntza ezesteko arrazoi izan daiteke. Eskatzailearen ardura izango da aipatutako programan sartu eta onartzeko eskaria egitea, horretarako epean eta forman.

3.2. c. **III. modalitatean, IDEX Bordeaux ekimenean diren unibertsitateetako doktorego programa batean matrikulatuta egotea, eskarian adierazi bezala eta bertan tesi zuzendari kideekin batera, emateko ebazpena behin betikoa argitaratzerakoan.** Honela egiaztatu ezean, laguntza ezesteko arrazoi izan daiteke. Eskatzailearen ardura izango da aipatutako programan sartu eta onartzeko eskaria egitea, horretarako epean eta forman.

3.2. d. **IV. modalitatean, eskarian adierazitako UPPAren doktorego programan matrikulatuta eta eskarian adierazitako tesi zuzendarikideekin egotea, laguntza emateko erabaki behin betikoa argitaratzerakoan eta honela ez egiaztatzea laguntza ukatzeko zio izango da.** Honela egiaztatu ezean, laguntza ezesteko arrazoi izan daiteke. Eskatzailearen ardura izango da aipatutako programan sartu eta onartzeko eskaria egitea, horretarako epean eta forman.

4. oinarria. TESI ZUZENDARI KIDEEN BALDINTZAK

4.1. Eskari bakoitzak tesi zuzendari-kide bat edo biren bermea izan beharko du, hautatzen duen modalitatearen arabera:

- a. **I eta II. modalitateak:** Gehien dela, tesi zuzendari kide bi izan ahal dituzte, 4.2 oinarriko baldintzak bete behar dituztenak.
- b. **III. modalitatea: Nahitaez** izango dute UPV/EHUko zuzendari kide bat eta beste zuzendari-kideak IDEX Bordeaux osatzen duten unibertsitateetako batekoa beharko du izan UPV/EHUko tesi zuzendari-kideak 4.2 oinarriko baldintzak bete beharko ditu. IDEX Bordeaux ekimeneko tesi zuzendari-kidea onartua izan beharko da UPV/EHUREN barruan legokiokeen batzordeak. Tramite honi laguntza ematerakoan ekin ahal izango zaio.
- c. **IV. modalitatea:** Eskariek **nahitaez** izango dute UPV/EHUko zuzendari kide bat eta beste zuzendari-kideak UPPAKoa beharko du izan. UPV/EHUko tesi zuzendari-kideak 4.2 oinarriko baldintzak bete beharko ditu. UPPAko tesi zuzendari kidea onartua izan beharko da UPV/EHUREN barruan legokiokeen batzordeak. Tramite honi laguntza ematerakoan ekin ahal izango zaio.

4.2. Tesi zuzendari-kideek ondoko baldintza hauek bete beharko dituzte **eskaria aurkezten denean**. Eskatutako baldintza guztiak betetzen ez dituzten edo legezko epean eta eran egiaztatzen ez dituzten zuzendarikideen eskariak hautaketa prozesutik at geratuko dira.

- a. **Zuzendari kideetako batek bederen UPV/EHUREN doktorego programan egon beharra du, eskarian adierazitako urtarrilaren 28ko 99/2011 errege dekretuak araututa. Tramiteak Graduondoko Batzordeak egin beharko du izan eskaria aurkezterakoan.** Eskatzaileek egiaztatu ahal izango dute proposatutako zuzendari-kideak beraiek hautatutako doktorego programan ari diren honako esteka honetan:

<http://www.ehu.eus/eu/web/estudiosdeposgrado-graduondokoikasketak/doktorego-eskaintza-ikasle-berriak>

- b. Eskaria aurkezterakoan programako irakasle ez den zuzendari kideak ere, bere aldetik, legokiokeen batzordeak onartua beharko du izan. **IAEK ofizioaz gainbegiratuko du baldintza honen betetzen den eta, ezezkoan, eskaria bertan behera utzi ahal izango da.** Tramite hau egiteko jarraibideak esteka honetan kontsulta daitezke:

<http://www.ehu.eus/eu/web/ordenacion.academica/programatik-kanpoko-irakasleen-tesi-zuzendarikidetza>

- c. Tesi zuzendarietako batek gutxienez izan beharko du UPV/EHUREKIKO lotura funtzionarial zein lan lotura, eskaria agertzeko unetik eta laguntza gauzatzeko tarte edo epe osoan zehar.
- d. **Tesi zuzendariak ezin emango dio abala deialdi honetako I eta II. modalitateetan eskari bati baino gehiagori.** Baldintza hau antzemanik, eskatzaileari, alegazioak emateko epearen barruan, 10 lanegunen epea emango zaio tesi zuzendari berri bat proposa dezan, deialdian eskaturiko baldintza guztiak eskaria egiterakoan beteko dituen zuzendaria. Eskatzaileak lehengo tesi zuzendari-kidea agertuko luketen dokumentu guztiak eguneratu eta aurkeztu beharko ditu, behin betiko zuzendari-kidearen datuak jasota. Baldintzak betetzen ez dituen bigarren tesi zuzendari kidea proposatuz gero, ezin izango da zuzendu, eskaria baztertzeko zioa izanik.

5. oinarria. KONTRATUEN EZAUGARRIAK

5.1. Honako kontratu kopuru hauek sartzen dira deialdi honetan:

- a. I. modalitatea: gehienez, 50 kontratu emango dira.
- b. II. modalitatea: 7 kontratu emango dira.
- c. III. modalitatea: gehienez, 5 kontratu emango dira.
- d. IV. modalitatea: gehienez, 3 kontratu emango dira.

Aurreikusi diren laguntzen kopurua aldatu ahal izango da emateko erabakian, aurrekontu baliabideen arabera eta laguntzen iraunaldi aldakorraren arabera. Laguntzak guztira zenbat diren ere, gutxien dela, 3 plaza gordeko dira %33ko ezgaitasuna edo handiagoa luketen pertsonentzat, lehenengo oinarrian ezarritako lana garatu ahal izateko gaitasuna egiaztatzen badute.

5.2. Eskainiko den lan-kontratua ZTBLren 21. artikulua arautuko du. Kontratututako langileak prestakuntza bidean dauden doktorego aurreko ikertzailetzat hartzen dira.

5.3. Kontratututakoa, beraz, UPV/EHUn sail, institutu edo guneren bati atxikiko zaio, doktorego tesia bertan egingo duelarik.

5.4. Kontratua arduraldi osoa izango da eta urtebetetik gora iraunen du. Era berean, kontratua ezin joan daiteke lau urtetatik gora. Luzapena urtero egingo da, interesatuak doktorego programan dirauen bitartean.

Kontratua % 33ren ezgaitasuna edo goragoko pertsona batekin sinatu bada, balioetsiko da kontratua gehiago luzatzeko aukera, kontratatutako pertsona doktoregoko prestakuntzarako eperik luzeena arduraldi osoan agortu arte.

Kasu guztietan oro, kontratuaren aurrerantzeko luzapenak aurrekontu erabilgarria edukitzearen menpe egongo dira.

Kontratua luzatuko bada, ezinbesteko baldintzak izango dira eskarian adierazitako doktorego programan matrikula egitea eta tesi zuzendariaren aldeko txostena. **Ez da programa aldaketarik onartuko luzapena egiteko.**

5.5. UPV/EHUK ezin izango du inor kontratatu mota honetako kontratuen bidez lau urtetatik gora, beti ere zenbatuta beste erakunderen batean kontratu modalitate honen bidez izandako aldia, salbu eta 5.4 oinarriaren 2. paragrafoan aurreikusitakoa.

5.6. Aldi baterako lanerako ezintasunak, haurdunaldiko arrisku egoerak, amatasunak, umeen adopzioa edo harrerak, edoskitzaroko arrisku egoerak eta aitatasunak gelditu egingo dute epearen zenbaketa kontratuaren iraupenari dagokionez.

5.7. Ikerketaren arloko errektoreordeak eten ahal izango dio beka interesatuari sei hilabetez gehienez ere, bekadunak horretarako eskari arrazoitua eginez gero. Hori eginez gero, etenaldi hori ezingo da berreskuratu eta laguntza erabakian ezarritako epean amaituko da. Laguntzaren etenaldian zehar baja emango da gizarte segurantzari. Etenaldiaren ondoren laguntza berriz jasotzeko izapideak egin ezean, bekari uko egin zaiola ulertuko da eta kontratuaren behin betiko amaiera eragin lezake.

5.8. Formalizatutako kontratuetako ordainsarideialdi honen barruan Hezkuntzako sailburuaren Agindua, 2019-2020 ikasturtean, doktore ez diren ikertzaileak prestatzeko doktoratu aurreko programako laguntza berriak eta laguntza-berritzeak erregulatzen baitira eta laguntza horien deialdia egiten baita.. Aurreko urteetan UPV/EHUn doktorego aurreko kontratazio deialdien babesean formalizatu diren kontratuei ere aplikagarri izango zaizkie ordainsariok.

5.9. Deialdi honen bidez aukeratutakoek ez dute UPV/EHurekin lan kontratu harreman egonkorrik izango eta aldi baterako kontratu harreman hori kontratuaren iraupenari dagokion aldia igarotakoan amaituko da edo 18. oinarrian ezarritako beste edozein arrazoi gertatzerakoan.

6. oinarria. ESKARIEN EDUKIA

6.1. Eskariak IAEren webgunean eskura daitezkeen eredu arautuetan bete behar dira:

<http://www.ikerkuntza.ehu.eus>

Eskaria egiteko inprimakia **paperezko euskarrian** eta PDF gisa aurkeztu beharko da, eskuz idatzitako jatorrizko sinadurekin edo ziurtagiri elektronikoen bidez sinadura digitalekin. Eskaria egiteko formularioa **eskariaren zati eta ataltzat hartuko da, eskariaren gutxieneko edukia izanik**. Epearen barruan eta formaz aurkeztu ezean, bazterrean utzi ahal izango da eskaria, zuzentzeko epean gehitu edo aldatu ahal izateko aukerarik gabe.

6.2. Era berean, honako dokumentu hauek ere gehitu beharko dira CD, DVD edo pendrive batean **PDF formatuan erregistro bulegoan**:

- a. ***NAN, atzerritarren identifikazio zenbaki edo pasaportearen fotokopia.***
- b. ***Doktoregora sarbide ematen duen titulazio edo titulazioetako akademi ziurtagiri pertsonala***, non lortutako kalifikazio guztiak eta horiei dagozkien datak agertzen diren. Ziurtagiriak agertu behar du eginiko irakasgai eta kreditu guztiak osatzen dutela titulazio osoa. **Kasuan kasuko ikasketak UPV/EHUn egin dituzten eskatzaileek ez dute dokumentu hau agertu beharrik.**
- c. 3.1.a.ii edo iii. oinarrietako adierazitako salbuespenetako bat alegatuko luketen eskatzaileek, aurrekoaz gain eta norberaren kasua zein den, ***espezialitateko tituluaren kopia edo beronen ziurtagiri ofiziala*** agertu beharko dute edo hiru urtetatik beherako seme-alaben zaintzan aritu izanarena (***familia liburuaren fotokopia***). ***Atzerrian zatika edo osorik egindako ikasketen kasuan, gainera atzerrian egindako unibertsitate titulazioen batez besteko nota baliokidearen ziurtagiria aurkeztu beharko da, Kalitatea Ebaluatu eta Egiaztatze Estatu Agentziak (ANECA) emana.*** Agiri hau ondoko esteka honen bidez eskura daiteke:

<https://www.educacionyfp.gob.es/servicios-al-ciudadano-mecd/catalogo/general/educacion/203615/ficha.html>
- d. ***Eskatzaileen Curriculum Vitae.*** Dokumentu hau ingelesez aurkeztu ahal izango da Ekonomia, Industria eta Lehiakortasunaren ministerioaren ohiko formatuan. Txantiloia IAE-ren webgunetik jaitsi ahal da.
- e. Ezgaitasunik duten pertsonentzat gordetako kupoaren bidez sartuko diren pertsonak ziurtagiria aurkeztu beharko dute % 33ko ezgaitasuna edo handiagoa egiaztatzeko.
- f. ***Europar Batasuneko hiritarrik ez diren eskatzaileek Espainian bizitzeko eta lan egiteko administrazio baimena aurkeztu beharko dute, eskaria ebatzi eta, beranduen, hiru hilabetetara,*** Espainian dauden atzerritarren eskubide eta askatasunei eta haien gizarteratzeari buruzko urtarrilaren 11ko 4/2000 lege organikoan ezarritakoaren arabera, abenduaren 22ko 8/2000 lege organikoak emandako idazketan.
- g. ***I. modalitatean, Euskararen jakite maila egiaztatze ziurtagiria (B2, C1 edo C2 mailak besterik ez).*** **Eskariak aurkezteko azken egunera arte lortutako ziurtagiriak besterik ez da onartuko.** Euskaraz egindako ikasketa ofizialak aintzat hartzeko eta euskara maila hizkuntza tituluaren eta ziurtagiriaren bidez egiaztatze salbuesteko apirilaren 3ko 47/2012 dekretuak eragindako baliokidetzen kasuan, eskatzaileak dagokion ziurtagiria ere aurkeztu beharko du. Eskaria egiterakoan titulazioa euskaraz amaitzen ari bada, epe gehigarria egongo da ***2019ko irailaren 30era arte, barne,*** ikasketen ziurtagiria aurkeztu ahal izateko.
- h. ***II. modalitatean, dokumentu batean jasoko dira eskatzaileak euskararen inguruan alegatzen dituen merezimenduak eta merezimenduen egiaztapenak*** (C2, euskarazko GRAL edo/eta MAL). **Nolanahi ere, Euskararen jakite maila egiaztatzen duen C1 ziurtagiria aurkeztu beharko dute eskatzaileek modalitate honetan parte hartu ahal izateko.**
- i. ***II. modalitatearen kasuan, dokumentu batean jasoko dira zuzendari-kideek euskararekiko alegatutako merezimenduak*** (C1 edo C2, tesiak euskaraz zuzentzea, euskarazko ekoizpen zientifikoa).
- j. ***III eta IV. modalitatean, nazionalitate frantsesa duten eskatzaileen gaztelaniaren edo euskararen jakite mailaren ziurtagiria edo nazionalitate espainiarra duten eskatzaileen frantsesaren jakite mailarena (B1etik edo C2ra bitartekoak, besterik ez)*** **Eskariak aurkezteko azken egunera arte lortutako ziurtagiriak besterik ez da onartuko.**

Atal honetan eskaturiko dokumentazioa besterik ez da ebaluatuko. Hortaz, ez da eskatutakoaz besteko dokumentazioa aurkeztuko, ez baita inola ere aintzat hartuko.

6.3. Eskatzaileek euskaraz, gaztelaniaz edo ingelesez aurkeztu ahal dute eskaria, CV izan ezik, berorrek ingelesez egon beharko baitu ezinbestean. II. modalitatean, eskaria euskaraz aurkeztu beharko da derrigor. I. eta II. modalitateetara aldi berean aurkeztuko diren eskatzaileek gaztelaniaz ere aurkeztu beharko dute eskaria.

Eskariak kanpoko prozesu baten bidez balioetsiko da Ikerkuntzarako Estatu Agentzia, Ebaluazio eta koordinazioaren azpiatala (lehengo ANEP) edo Unibasq Euskal unibertsitate sistemaren kalitate agentzia baliatuz.

7. oinarria. ESKAERAK AURKEZTEA

7.1. Eskaerak behar bezala erregistratutzak joko da baldin eta eskaria bera paperean nola dokumentazioa PDF formatuan UPV/EHUko Ikerketaren arloko errektoreordeari bidali bazaio, Araba, Bizkai eta Gipuzkoako campusetan dauden erregistro nagusietako batean edo UPV/EHUko Idazkaritza Nagusiaren webgunean zenbatzen diren bulegoetako batean aurkeztuta; nahi izanez gero, Administrazio Publikoen Administrazio Prozedura Erkideari buruzko urriaren 1eko 39/2015 legearen 16.4 artikulua araberaz ere aurkez daitezke.

Halaber, aipatutako 39/2015 legeak ezarri bezala, eskarik edozein posta bulegotan ere erregistratuko ahal dira. Honelakoetan, dokumentazioa gutun irekian aurkeztuko da, posta zerbitzuko pertsonalak eskariaren lehenengo orria zigilatuko badu. Ondoren, posta ziurtatuaren bidez bidaliko da helbide honetara:

Universidad del País Vasco/Euskal Herriko Unibertsitatea
Ikerketaren arloko Errektoreordetza
Ikerketako Deialdien Atala
Errektoregoaren Eraikina
Sarriena auzoa z/g
48940 Leioa (Bizkaia)

Posta bulegoetan aurkeztutako eskaritan, argi jaso beharko da bulegoaren izena eta zer datatan eta tokitan aurkeztu zen. Honez gain, interesatuak posta elektronikoen bidez egun berean jakinarazi beharko dio IGZri eskaria igorri dela.

Fase honetan, **inprimakia osorik beteta ez aurkeztea, sinadura originalak barne direla, arrazoia izango da hautaketa prozesutik at uzteko.**

8. oinarria. ESKARIAK AURKEZTEKO EPEA

Eskariak aurkezteko epeak 45 egun natural izango ditu, honako deialdi hau Ikerkuntzaren arloko errektoreordetzaren web gunean argitaratuko denetik kontaktzen hasita.

9. oinarria. EBALUAZIO IRIZPIDEAK

9.1. Deialdiaren I. modalitateari dagokin esleipenerako, honako irizpide hauek hartuko dira aintzat:

Irizpideak	Gehieneko puntuazioa
1. Espediente akademikoko batez besteko nota haztatua (masterra kontuan hartu gabe)(a)(b).	50 puntu
2. Ikerketa proiektuaren interes zientifikoa eta kalitatea, <u>horren finantzaketa egokia barne.</u>	30 puntu
3. Eskatzailearen esperientzia eta curriculum.	10 puntu
4. Euskara maila (c).	5 puntu
5. Tesi zuzendari bi egotea, hauetariko bat UPVEHUko pertsonala izanik, defendatu den doktorego tesi bat baino gehiago zuzendu ez duena eta lanpostu iraunkorrik ez duena.	5 puntu
GUZTIRA	100

9.2. Deialdiaren II. **modalitatea** ebazteko, honako irizpide hauek hartuko dira aintzat:

Irizpideak	Gehieneko puntuazioa
1. Espediente akademikoko batez besteko nota haztatua (masterra kontuan hartu gabe)(a)(b).	50 puntu
2. Ikerketa proiektuaren interes zientifikoa eta kalitatea, horren finantzaketa egokia barne.	30 puntu
3. Eskatzailearen esperientzia eta curriculum.	10 puntu
4. Euskararen arloan egindako ekarpenak (d).	5 puntu
5. Tesi zuzendari bi egotea, hauetariko bat UPVEHUko pertsonala izanik, defendatu den doktorego tesi bat baino gehiago zuzendu ez duena eta lanpostu iraunkorrik ez duena.	5 puntu
GUZTIRA	100

9.3. Deialdiaren III eta IV. **modalitateari** dagokin esleipenerako, honako irizpide hauek hartuko dira aintzat:

Irizpideak	Gehieneko puntuazioa
1. Espediente akademikoko batez besteko nota haztatua (masterra kontuan hartu gabe)(a)(b).	50 puntu
2. Ikerketa proiektuaren interes zientifikoa eta kalitatea, horren finantzaketa egokia barne.	30 puntu
3. Eskatzailearen esperientzia eta curriculum.	10 puntu
4. Frantses maila nazionalitate espainiarra duten eskatzaileei edo euskara edo gaztelaniaren maila nazionalitate frantsesa duten eskatzaileei (e).	10 puntu
GUZTIRA	100

(a) Oharra: Espediente akademikoko batez besteko nota haztatua (balorazio irizpideen lehenengo atala) eskatzaileak egindako titulazioaren arabera normalizatuko da, aurreko ikasturteetan UPV/EHUn titulazio hori egin duten ikasleen batez besteko notak erabiliz.

Eskaerako titulazioa ez badago UPV/EHUn, edo titulazio horri dagozkion batez besteko noten kopurua ez bada adierazgarria, aurreko ikasturteetan UPV/EHUko titulazioetan lortu diren batez besteko notak erabiliko dira normalizaziorako.

NORMALIZAZIORAKO ERABILITAKO FORMULAK:

Eskatzailearen_NK: eskatzailearen espediente akademikoaren normalizazio koefizientea.

Eskatzailearen_BatezBestekoa: Eskaeran adierazitako espediente akademikoaren batez besteko nota haztatua.

Titulazioaren_BatezBestekoa: Eskaerako titulazioaren espediente akademikoetako batez besteko nota haztatuen batezbestekoa.

Gutx_NK: Titulazio guztietarako gutxieneko normalizazio koefizientea.

Geh_NK: Titulazio guztietarako gehieneko normalizazio koefizientea.

Titulazioko_DesbEstand: Azken urteotako eskaerako titulazioaren espediente akademikoetako noten desbideratze estandarra.

Eskatzailearen_NotaNormalizatua: 9.1, 9.2 eta 9.3 oinarrietan ezarri diren gainerako irizpideetan jasotako puntuazioei gehitutako normalizazioaren ondoriozko emaitza, puntuazio orokorra lortzeko (bi hamartarretan biribildua).

NK_eskatzalea =

$$\frac{(\text{Eskatzailearen_NK} \times 10) - (\text{Titulazioaren_BatezBestekoa} \times 10)}{\text{Titulazioko_DesbEstand}}$$

Eskatzailearen_NotaNormalizatua =

$$50 \times \frac{(\text{Eskatzailearen_NK}) - (\text{Gutx_NK})}{(\text{Geh_NK}) - (\text{Gutx_NK})}$$

Ondoren, titulazio bakoitzeko normalizatutako puntuazio guztiak zerrenda bakar batean bilduko dira, handienetik txikienera ordenatuta.

Titulazio bat baino gehiago egin badituzte, 3.1.a oinarrian ezarritako denbora baldintza betetzen duena edo proposatzen den ikerketa proiektuaren gaiarekin erlaziorik estuena duena erabiliko da normalizaziorako.

(b) Oharra: Espainiako unibertsitate sistematik at lortutako espedienteen kasuan, aipatutako 1. irizpidean Kalitatea Ebaluatu eta Egiaztatze Agentzia Nazionalak (ANECA) atzerrian egindako unibertsitate ikasketen batez besteko nota baliokideak kalkulatzeko zerbitzuaren bidez esleitutako balioa aplikatuko da, baldin eta baliokidetza hori beharrezkoa bada lehiaketa prozesu batean aurkeztu ahal izateko.

ANECAn igorritako egiaztagiria deialdiaren 6. oinarrian adierazitako gainerako dokumentazioarekin batera erantsi beharko da.

Ziurtagiri hori aurkeztu ezean, 1. irizpideari dagokionean 10 puntu esleituko dira

(c) Oharra: Adierazitako puntuazioa lortzeko, euskara mailaren egiaztagiria aurkeztu behar da, honako hauen arabera:

- C2 ziurtagiria eta baliokideak: 5 puntu
- C1 ziurtagiria eta baliokideak: 4 puntu
- B2 ziurtagiria eta baliokideak: 3 puntu
- Ez da kontuan izango adierazitakoak baino maila baxuagoko egiaztagiririk.

Ziurtagiriei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan (297/2010 Dekretua, euskararen jakite maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzeko dena).

(d) Oharra: Irizpide honen ebaluazioa euskara batzordeak egingo du, honako baremo hauek aplikatuta:

- Eskatzailearen merezimenduak: C2, euskarazko GRAL edo/eta MAL.
- Doktorego tesiaren zuzendari-kideen merezimenduak: C1 edo C2, euskarazko tesien zuzendaritza, euskarazko ekoizpen zientifikoa.
- Euskarazko ikerketa proiektuaren hizkuntza kalitatea.

(e) Oharra: Adierazitako puntuazioa lortzeko, legokiokeen maila egiaztatuz aurkeztu behar da, honako hauen arabera:

- C2 ziurtagiria eta baliokideak: 10 puntu
- C1 ziurtagiria eta baliokideak: 8 puntu
- B2 ziurtagiria eta baliokideak: 5 puntu
- B1 ziurtagiria eta baliokideak: 3 puntu

- Ez da kontuan izango adierazitakoak baino maila baxuagoko egiaztagiririk.

Ziurtagiriei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan (297/2010 Dekretua, euskararen jakite maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzeko dena).

10. oinarria. ESKARIEN TRAMITAZIOA ETA BALIOESPENA

Balioetsiko diren eskari onartu eta baztertuen behin-behineko zerrenda:

Eskaerak aurkezteko epea bukatu ondoren, Ikerketaren arloko Errektoreordetzako Ikerketaren Gestioko Zuzendaritzak aztertu egin zituen aurkeztutako eskaerak. Azterketa hau amaitu eta gero, IAE-k bere webgunean emango du argitara onartu diren eta bazterrean utzi diren eskarien zerrenda, balioespen fasera iraganen direnak. Tramite hau egiteko, hilabeteko epea izango du, eskariak aurkezteko epea amaitu eta gero kontaktzen hasita.

Okerren zuzenketa:

Eskariak aurkezteko epean zehar emandako dokumentazioa osoa ez balitz edo zuzen litezkeen erroreak edukiko balitu, IAE-k eskatuko dio eskatzaileari hamar egunen epean osatu edo zuzen dezan.

Eskatzaileak ezin izango du ez hobetu ez ordezkatu lehenago aurkeztutako dokumentazioa eta eskariak ezin izango dira inola ere berriro egin. IAEk eskatu ez duen dokumentaziorik ere ezin izango da aurkeztu.

Okerren zuzenketak aurkeztu beharko dira 7 oinarrian deskribatutako bitartekoak erabilita.

Ebaluaziorako onartu eta baztertutako eskarien behin betiko zerrenda:

Agertutako dokumentazioa aztertu ondoren, bertan behera utzizat hartuko dira epean eta formaz zuzendu ez diren eskariak. Behin betiko zerrenda hamar lanegunen epean argitaratuko da okertzeko epea amaitu eta gero kontaktzen hasita.

Ebaluazio fasea

Bederatzigarren oinarrian deskribatu diren ebaluazio irizpideen balioespena Ikerkuntzarako Estatu Agentzia (lehengo ANEP), Ebaluazio eta koordinazioaren azpiatalaren bidez edo Unibasiq Euskal Unibertsitate Sistemaren Kalitate Agentziaren bidez egingo da. Tramite hau bi hilabetetan luzatuko da.

Ebaluazio txostenak IGBBri bidaliko zaizkio; horrek dagokion esleipen proposamena aurkeztuko dio Ikerketaren arloko errektoreordeari, eta errektoreordeak behin-behinekoerabakia hartuko, gero argitaratzeko.

Eskatzaileen batzuen berdinketa gertatuz gero azken puntuazioan, honako irizpide hauen arabera ordenatuko dira eskariak, hurrenez hurren, berdinketa hautsi arte:

- a. espediente akademikoaren batez besteko nota haztaturik altuena lukeen eskaria lehenetsiko da (1. irizpidea).
- b. I. modalitatearen kasuan, lehenetsiko da modalitate honetan arrakasta tasarik txikiena lukeen zientziaren arloari legokiokeen eskaria (arrakastaren %a eskariko, arlo bakoitzean).
- c. II., III. eta IV. modalitateetako eskarien kasuan, lehenetsiko da 4. irizpidean puntuaziorik onena lortutako eskaria.
- d. Lehenetsi egingo da 2. irizpidean puntuaziorik altuagoa lortu duen eskaria.

Behin-behineko ebazpena

IGBB-k behin-behineko ebazpenaren proposamena egingo du, IAE-ren webgunean argitaratuko dena, eskatzaile guztiek lortutako behin-behineko puntuazioa adieraziz.

Hautagaiek eskariaren ebaluazio txostena eskatu ahal izango dute pre-postdoc.dgi@ehu.eus helbide elektronikora bidalitako mezuaren bidez.

Interesdunek gehienez 10 egun baliioduneko epea izango dute egoki leritzeketen alegazioak aurkezteko. Aipatu epean alegazio espresurik jaso ezean, proposamenak onartutzat joko dira eta alegatzeko eskubidea bertan behera geratuko da.

Behin betiko erabakia:

Epea hau iraganik, IAE-k aurkeztutako alegazioak helaraziko dizkio IGBB-ri, bertan azter daitezten eta, ondorioz, behin betiko ebazpena egiteko proposamena helaraziko dio Ikerketaren arloko Errektoreordetzari.

Kontratazio onartu zein ezesteko behin betiko erabakia IAEn webgunean argitaratuko da eta banakako ebazpena bidaliko zaie eskatzaileei.

Behin betiko erabakiaren aurkako errekurtsioak:

Behin betiko erabakiak administrazio bidea agortzen du eta honako bide hauek daude beraren kontra egiteko, inola ere ez aldi berean erabilita:

1. Lehenengo eta behin, aukerako berraztertze errekurtsioa aurkez dakioke erabakia eman duen organoari berari hilabeteko epean, banakako jakinarazpena jaso eta biharamunetik kontaktzen hasita.

Administrazio errekurtsio hori jarriz gero, eta errekurtsioa jarri eta hilabeteko epean erabaki adierazirik jaso ezean, errekurtsioa administrazio isiltasuna medio ezetsi dela ulertu beharko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsioa jartzeko epea sei hilabetekoa izango da, errekurtsioa ezetsizat joa izan den egunaren biharamunetik kontaktzen hasita (Administrazioarekiko Auzien Jurisdikzioa arautzen duen uztailaren 13ko 29/1998 legearen 46. artikulua).

2.- Zuzenean, administrazioarekiko auzi errekurtsioa jar daiteke Bilboko administrazio auzietako epaitegietan. Horretarako, bi hilabeteko epea dago, erabaki honen banakako jakinarazpena jaso eta biharamunetik hasita (Administrazioarekiko Auzien Jurisdikzioa arautzen duen uztailaren 13ko 29/1998 legearen 8.3 eta 46. artikulua).

11. oinarria. KONTRATUA FORMALIZATZEA

11.1. Kontratuak formalizatu baino lehen, kontratazioen adjudikatioek laguntza lortzeko alegatu dituzten betebeharrak eta merezimenduen egiazkotasuna agertu beharko dute. Egiaztatu ezin balute, Ikerketaren arloko Errektoreordetzak laguntza ukatzeko ebazpena emango du.

Dokumentazio hau agertzeko epea eman eta ezetsitako laguntzen behin-behineko ebazpenean adieraziko da.

Kontratuen adjudikaziodunek dokumentu hauek aurkeztu behar dituzte IAE-n:

- a. Eskeraren adierazitako doktorego programan matrikulatu izanaren ordainagiria edo, III. eta IV. modalitateetarako, programena.
- b. Deialdi honen adjudikaziodun gisa dituzten betekizunak onartzeko dokumentua, tesiaren zuzendari kideek eta adskripzioari dagokion sail, institutu zein ikastegiko zuzendariak ontzat emana.
- c. Identifikazio fitxa, datu pertsonalak, bankukoak, eta Gizarte Segurantzako afiliazio zenbakia dituenak.
- d. Zinpeko aitortpena, non interesatuak adierazten duen inoiz kontraturik egon ez dela Zientzia, Teknologia eta Berrikuntzaren 14/2011 Legeko 21. artikuluan aurreikusitako doktorego aurreko kontratu modalitatearen bidez, eta, egon baldin bada, zenbat egunez.
- e. Lanean hasi izanaren ziurtagiria.
- f. Kasuan kasuko ikerkuntzarako etika batzordearen aldeko txostena, ikerketa proiektuaren gaiak hala eskatzen duenean.

Eskatutako agiriak epe barruan aurkezten ez badira, kontratuaren formalizatzeari uko egiten zaiola ulertuko da.

11.2. Aurreko atalean adierazitako baldintzak bete eta hurrengo hilabetean formalizatuko dira kontratuak eta kontratatutako langileak dagokien unibertsitate sail, institutu edo gunetan lanean hasiko dira.

Esleipenduna ez balitz agertuko adierazitako egunean kontratua sinatzek ekitaldira edo sail, institutu edo ikergunean lanean hasiko, ulertuko da kontratuari uko egiten diola.

11.3. Salbuespenezko eta behar bezala justifikatutako kasuetan, Ikerkuntzarako errektoreordeak baimena eman dezake hasteko eguna gehienez sei hilabetez atzeratzeko. Atzeratzeko eskaria 11.1 oinarrian ezarritako epearen barruan aurkeztuko da.

11.4. Eskariak ebaluatzean kontuan hartu diren baldintzak aldatzen badira, alta emateko tramitea eten egingo da, edo hala dagokionean, kontratua deuseztatu egingo da.

11.5. Kontratua sinatu eta sei hilabetetara, Ikerkuntza gestiorako zuzendaritzak (IGZ) ofizioz egiaztatuko du onuraduna eskarian adierazitako doktorego programan edo programetan, III eta IV. modalitateetarako, matrikulatuta dagoela, bai eta tesiaren zuzendari-kideak azkenik bertan adierazitakoa direla ere. IAE-k ofizioz eta 6 hileroko maiztasunaz baldintza hau betetzen duen ikuskatuko du, kontratuak dirauen bitartean. Bi betebeharrak hauetako bat bete ezean, kontratua atzera botatzeko arrazoitzat hartuko da.

12. oinarria. KONTRATATUTAKO LANGILEEN ESKUBIDEAK

12.1. Eskubidea dute txertatzen direneko sail, institutu edo guneen laguntza eta sostengua jasotzeko, tokian tokiko baliabideen neurrian, beren ikasketak eta ikerketa programak egiteko.

12.2. Kontratutakoek unibertsitateko Ikerkuntza Zerbitzu Orokorak (SGIker) eta beroriek hartuko dituen ikertaldearen azpiegiturak eta materiala erabili ahal izango dituzte. Era berean, eskubidea izango dute sailaren ikerketa baliabideak erabiltzeko, eta ikertaldeak bere ikerlana egiten duen ikastegiko baliabideak ere, horretarako ezarrita dauden baldintzei men eginez betiere.

12.3. Kontratutakoak **zeregin osagarriak egin ahal izango ditu proposatutako ikerketa jarduerarekin erlazionatutako irakaskuntza lanetan** (gehienez 60 ordu ikasturtean, gehienez 240 ordu kontratu barnean edo inadarrean dagoen legean jasotakoa), tesi-zuzendari kideen oniritziarekin eta dagokion sailarekin hitzarmena egin ondoren eta UPV/EHUn zerbitzura dauden langileentzako bateraezintasunei buruzko indarreko arautegiari lotuta, irakasgai ardurarik izan edo ikasleen ebaluazio edo probarik egin ezin dutelarik.

13. oinarria. KONTRATATUTAKO LANGILEEN BETEBEHARRAK

13.1. Eskarian adierazitako doktorego programan matrikula urtero formalizatuko dute UPV/EHUn graduondoko batzordeak ezarriko dituen epeen barruan.

13.2. Zeinek bere lana adskribatutako sailean, institutuan edo gunean egitea.

13.3. Laguntza jasotzearekin zerikusia duten txosten, formulario eta gainerako agiriak bete beharko dituzte IAE-k edo deialdia gestionatzen duten zerbitzuek hala eskatzen dietenean.

13.4. Honako deialdi honen aipamena egin beharko dute, kontratuak dirauen bitartean egingo liratekeen ikerketa jardueretatik ondorioztatuko liratekeen argitalpen eta bestelako emaitzetan.

13.5. Organo eskudunek egin ditzaketen egiaztatze eta finantza kontrol-jardueretara makurtzea, jarduera horietarako eska dezaketen edozein informazio emanez.

13.6. UPV/EHUn titulartasuna aitortzea, prestakuntzan ari den pertsonalak egindako ikerketa lanaren ondorioz sor litezkeen argitalpen, patente, modelo baliagarri eta jabetza intelektualeko objektuen nahiz lanen inguruan, jabetza industrial edo intelektualaren helburuko horien asmatzaile gisa egin beharreko aitopenenari betiere eutsiz.

13.7. Ikertzailearen Gutun Europarrean aurreikusitako betebeharrak orokorrak eta espezifikoak betetzea.

13.8. Doktoregoa lortuko dute legezkiekeen doktorego arautegietan aurreikusitako epeen barruan.

14. oinarria. TESI ZUZENDARI KIDEEN BETEBEHARRAK

14.1. Tesi zuzendari kideen betebeharra izanen da doktoregaiei emandako laguntza zehaztutako helburuaren betetzeko baliatzen dela bermatzea, laguntza inadarrean den bitartean tesi zuzendari kide gisa arituko direlarik. Era berean, Ikerketaren arloko Errektoreordetzari jakinarazi beharko diote tesiaren defentsa eragotziko ahal duen edozein baldintzaren berri.

14.2. IAE-ri jakinaraziko diote deialdi honen bidez kontratatu den pertsonalak doktore gradua lortu duela.

14.3. Laguntza jasotzearekin zerikusia duten txosten, formulario eta gainerako agiriak bete beharko dituzte IAE-k edo deialdia gestionatzen duten zerbitzuek hala eskatzen dietenean.

15. oinarria. BATERAEZINTASUNEN ERREGIMENA

15.1. Deialdi honen babesean formalizatutako kontratua ez da bateragarria izango beste edozein kontraturekin, Bateriaezintasunei buruzko abenduaren 26ko 53/1984 legearen 19. artikuluan aipatzen diren jarduerak eta, Unibertsitatei buruzko abenduaren 21eko 6/2001 lege organikoaren 83. artikuluan aipatzen diren erakunde edo pertsonekin egindako lankidetzak kontratuak izan ezik.

15.2. Deialdi honen babesean formalizatutako kontratuak ez dakar kontratu harreman egonkorrik esleipendunaren eta UPV/EHUn artean; harreman hori kontratuaren indarraldia bukatzearekin batera amaituko da.

16. oinarria. KONTRATUAREN UKOAK, BAJAK ETA AMAIERA

Deialdi honen bidez kontratatutako pertsonalak egin litzakeen uko, baja eta gainerako gorabeheren berri eman beharko dio UPV/EHUn IAeri, tesi zuzendariaren ontzat emana, gertatu eta hiru lanegunetara, kasuan kasu justifikatzeko beharko litzatekeen agiriekin batera. Eskaria rrhh-inves.dgi@ehu.eus helbide elektronikora igorritako idazkiaren bidez egingo da, kasuan kasu, eskatu eta aurkeztu beharreko dokumentazio justifikagarriarekin batera.

Kontratututako ikertzaileak ukoa, baja edo gorabehera jakinarazi beharko dio Irakasle-ikertzaileen arloko Errektoreordetzari.

17. oinarria. JARRAIPENA

17.1. Deialdi honen babesean kontratatutako pertsonalak laguntzaren baliatzeko beharko liratekeen txosten, inprimaki eta gainerako dokumentu guztiak bete beharko ditu; hain zuzen ere, IAek edo/eta deialdi honen kudeaketan laguntzen duten gainerako sailek edo zerbitzuek eskaturikoak.

17.2. Oro har, dokumentu horiek deialdi honetarako argitaratzen diren ereduaren arabera beteko dira eta kontratuak indarrean ematen dituen urteetako bakoitzaren ondorengo lehenengo hilabetean aurkeztuko zaizkio IAeri.

17.3. Kontratua amaitu eta hilabeteko epean, amaierako txosten bat aurkeztuko da Ikerketaren arloko Errektoreordetzan, kontratuaren indarraldian zer jarduera egin diren ezagutarazteko.

18. oinarria. KONTRATUEN ETETEA

Lan kontratua ondorengo arrazoietakoa batengatik etengo da:

- a. Kontratatuak berak uko egitea.
- b. Kontratuaren indarraldia amaitzea.
- c. Eskarian adierazitako doktorego programan matrikulaturiko pertsonaren izaera galtzea.
- d. Laguntza emateko aintzat hartutako betebeharrak bete ez edo baldintzak aldatzea, barne izanik doktorego programako matrikula edo eskarian adierazitakoez besteko tesi zuzendariarekin aritzea, Ikerketaren arloko Errektoreordetzaren baimenik gabe.
- e. Tesi zuzendari-kideek eta doktorego programaren arduradunak hala eskatuta, tesi zuzendari-kideek eta doktorego programaren arduradunak abalaturako txostenak arrazoituz gero.
- f. Gerora sortutako bateraezintasunen batengatik.
- g. Laguntzarako aurrekontu krediturik ez dagoelako.
- h. Doktore titulua eskuratzea. Doktore titulua lortzeak laguntzaren helburua baliogabetzea eragingo du eta, ondorioz, laguntza eskubideak bertan behera amaitzea. Honelakoetan, laguntzaren amaieraren ondorio administratibo eta ekonomikoak doktorego tesiaren defentsa egin eta hurrengo hilaren lehenengo egunean hasiko dira.

19. OINARRIA. JARDUERETAN BETE BEHARREKO PRINTZIOAK

19.1. Deialdi honen bidez gauzatu nahi diren jardueretan gizakiak, gizakien lagin biologikoak eta/edo datu pertsonalak erabili nahi badira, ondorengo baldintzak bete behar dira:

- Aitorpenetan jasotako printzipio etikoak errespetatzea (Belmont, 1979; CIOMS, 2002; Giza Genoma, UNESCO, 1997; Oviedoko Biltzarra, 1999; eta Tokio, 2004).

- Indarreko arautegia betetzea: ikerkuntza biomedikoaren 14/2007 legea, biobankuei buruzko 1716/2011 ED, pazientearen autonomiari buruzko 41/2002 legea eta datuen babesari buruzko indarreko arautegia 15/1999 legea.
- Kasuan kasuko Ikerketako Batzorde Etikoaren (AEIBE) aurreko eta nahitaezko aldeko txostena lortzea, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanean etika organoak arautzeari buruzkoan (EHAA, 32 zk., 2014-02-17koa), jasotzen duen bezala.

19.2. Deialdi honen bidez gauzatu nahi diren jardueretan animaliekin esperimentatu nahi bada, ondorengo baldintzak bete behar dira:

- Ordeztu, murriztu eta fintzeko irizpideak errespetatu, nazioartean sustatu bezala.
- Animaliekiko ikerkuntzaren arloan (53/2013 ED) indarrean den arautegia bete.
- Animaliekin egiten den Esperimentaziorako Etika Batzordearen (AEEB) aldeko txostena lortu, aldeztatik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Araudiak jasotzen duen bezala (erabakia 2014-02-17ko EHAA argitaratu zen, 32. zk.).
- Agintari eskudunaren baimena agertu (foru diputazioen abeltzaintza saila).

19.3. Deialdi honen bidez gauzatu nahi diren jardueretan agente biologikoak eta/edo genetikoki eraldatutako organismoak erabili nahi badira, ondorengo baldintzak bete behar dira:

- Prebentzio, zuhertasun eta informazioaren printzipioak errespetatu, giza osasuna eta ingurumena babesteari dagokionean.
- Arlo honetan indarrean den legeria bete: laneko arriskuen prebentziorako 31/1995 legea; langileen agente biologikoekiko esposizioari lotutako arriskuetatik babesteari buruzko 664/1997 ED; langileen agente kantzerigenoen esposizioari lotutako arriskuetatik babesteari buruzko 665/1997 ED; genetikoki eraldatutako organismoak merkaturatzeko, nahita askatzeko eta haien erabilera konfinatua egiteko araubide juridikoa ezartzen duen 9/2003 legea eta 178/2004 ED.
- Agente Biologikoekin eta Genetikoko Eraldatutako Organismoeekin egindako Ikerketetarako Etika Batzordearen (ABIEB) aldeko txostena lortu, aldeztatik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Araudiak jasotzen duen bezala (erabakia 2014-02-17ko EHAA argitaratu zen, 32. zk.).

19.4. Deialdi honen bidez gauzatu nahi diren jardueretan enbrioi zelula amekin edo haietatik eratorritako zelula lerroekin ikerketak egiteko beharrezkoa izango da hauek betetzea: 45/2003 Legea eta hari dagokion 2132/2004 ED, soberako aurre-enbrioietatik eskuratutako zelula amekin ikerketak egiteko baimena eskatzeko baldintzak eta prozedurak ezartzen dituen, bai eta 09/2014 ED ere, uztailearen 4koa, giza zelulak eta ehunak emateko, lortzeko, ebaluatzeko, prozesatzeko, zaintzeko, gordetzeko eta banatzeko kalitate eta segurtasun arauak ezartzen dituen.

Horrez gain, giza laginekin egindako ikerketari buruzko arau hau ere kontuan izan behar da: 1716/2011 Errege Dekretua, azaroaren 18koa; honen bidez, alde batetik, biomedikuntzako ikerketa egiteko xedea duten biobankuak baimentzeko oinarritzko eskakizunak ezartzen dira, bai eta biobanku horiek jarduteko oinarritzko eskakizunak ere; bestetik, giza lagin biologikoak tratatzeko bete behar diren oinarritzko eskakizunak ezartzen dira, eta, azkenik, Ikerketa Biomedikorako Erregistro Nazionalaren funtzionamendua eta antolamendua arautzen dira. (2011ko abenduaren 2ko EBO, 290. zk.)

19.5. Deialdi honen bidez gauzatu nahi diren jarduerak ezin izango dute gerrarik piztu, sustatu eta babestu, ez eta, zehatzago, armak egiteko eta/edo merkaturatzeko enprekin zuzenean edo zeharka lan egin ere.

AZKEN XEDAPENETATIK LEHENENGOA

Deialdi honek administrazio bidea amaitzen du, eta beronen kontra administrazioarekiko auzi errekurtsua jar daiteke Bilboko administrazio auzietako epaitegietan, bi hilabeteko epean, deialdia argitaratzen den egunetik kontatzen hasita. Hala izanik ere, aukerazko birjartze errekurtsua jarri ahal

izango da erabakia argitaratu eta hilabetearen epean Ikerketaren arloko errektoreordearen aurrean, 39/2015 legearen 123. artikularekin bat etorrira.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioan, 2019ko martxoaren 7an.

José Luis Martín González
Ikerketaren Arloko Errektoreordea
Vicerrector de Investigación

I. ERANSKINA**(III. modalitatean ez beste inon aplikatzeko)**

Doktorego tesietako ikerketa proiektuek landu behar dituzten ikerkuntza arloak (Topics and ongoing collaborations):

Advanced manufacturing and Materials
Ageing and frailty
Archaeology
Arts
Biological ecosystems
Biomedicine
Computing, modelling and simulation
Education
Food and nutrition
Marine energies
Neurosciences
Photonics and translational imaging
Social innovation
Theoretical chemistry and physics at the quantum scale

Arlo hauek lehentasunezkoak dira, baina ez eksklusiboak. Eskaera egiteko inprimakian, beste arlo bat zehaztu ahal da IDEX Bordeaux-eko tesi zuzendari kidearekin behar bezala adostuta.